



Adresa: **Ul. H. Čemerlića 39**
71000 Sarajevo
<http://www.voda.ba>

tel. +387 33 726 400; 726 412
fax. +387 33 726 414
e – mail: info@voda.ba

Broj: **UP-1/21-2-40-172-4/22**
Datum: **01.06.2022. godine**

«Agencija za vodno područje rijeke Save» Sarajevo rješavajući po zahtjevu Općine Trnovo u postupku izdavanja vodne saglasnosti za aktivnost čišćenja korita i obala rijeke Željeznice na području općine Trnovo, na osnovu člana 109. stav (1) tačka 14. a u vezi sa članom 81. Zakona o vodama («Službene novine Federacije BiH», broj 70/06), i člana 200. stav (1) Zakona o upravnom postupku („Službene novine Federacije BiH“ broj 2/98, 48/99), **donosi**

R J E Š E N J E **o vodnoj saglasnosti**

1. Podnosiocu zahtjeva, Općini Trnovo, daje se vodna saglasnost za radove na čišćenju korita i obala rijeke Željeznice od naplavina, prema Elaboratu: „Obezbeđenje proticajnog profila rijeke Željeznice na potezu od sjedišta Općine Trnovo pa nizvodno do naselje Ilovice, u dužini od cca 4,5 km“, po kome se planira izvođenje radova na čišćenju korita rijeke Željeznice na dijelovima parcela označenih kao k.č. broj: 1639, 2391 i 2406 K.O. Trnovo i dio k.č. broj: 1379 i 1360 K.O. Ilovice, općina Trnovo, za četiri lokaliteta označena kao „dionica 3, 4, 5 i 6“, u ukupnoj dužini cca 324,59 m', a u cilju poboljšanja hidromorfoloških karakteristika riječnog korita.
2. Vodna saglasnost se donosi na osnovu utvrđenog činjeničnog stanja i dostavljenog Elaborata iz tačke 1. dispozitiva ovog Rješenja, koji se ovjeren vraća podnosiocu zahtjeva na trajno čuvanje i čini sastavni dio ovog Rješenja.
3. Vodna saglasnost se daje pod slijedećim uslovima koje treba ispuniti u toku izvođenja radova:
 - 3.1. Radove na čišćenju materijala iz korita rijeke Željeznice, na lokalitetima označenim kao „dionica 3, 4, 5 i 6“, izvesti u skladu sa ovjerenim Elaboratom iz tačke 1. Dispozitiva ovog rješenja.
 - 3.2. Prije početka radova potrebno je obnoviti oznake poprečnih profila koje moraju biti jasno vidljive rukovaocu mehanizacije koja će se koristiti, a i u cilju lakše kontrole izvršenih radova. Parcelu / lokalitet na kojem će se vršiti čišćenje i uklanjanje materijala iz korita obavezno iskolčiti i iskolčavanje održavati tokom vršenja svih radova.
 - 3.3. Izvođač radova je dužan da uredno vodi dnevnik rada sa tačno definisanim lokalitetima iskopa, dubini iskopa, izvađenim dnevnim količinama i svim ostalim podacima koji se uobičajeno vode kod ovakve vrste radova.
 - 3.4. Izvađeni materijal prije bilo kakvog transporta i manipulacije se mora prethodno prirodno ocijediti, a u cilju otklanjanja mogućnosti prljanja i kvašenja puteva na koji se navedeni lokalitet priključuje.
 - 3.5. Planom organizacije gradilišta koje će se formirati u funkciji provođenja navedenih aktivnosti, treba osigurati da mjesta za smještaj građevinske mehanizacije, tečnih goriva i maziva budu locirana izvan nivoa velikih voda i na takvoj udaljenosti da ne mogu imati negativan uticaj na vodotok.
 - 3.6. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima i izvan zone uticaja na površinske i podzemne vode.
 - 3.7. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
 - 3.8. U okviru gradilišta riješiti prikupljanje i konačnu dispoziciju sanitarno-fekalnih otpadnih voda na način da se iste prikupe u vododržive posude/rezervoare i izvezu izvan zona izvođenja radova uz ugovor sa nadležnim komunalnim preduzećem.
 - 3.9. Predvidjeti da se sav nastali otpad prikuplja i zbrinjava izvan površina obuhvaćenih uticajem velikih voda u skladu sa važećim propisima o postupanju sa otpadom.

- 3.10. Investitor (korisnik vodne saglasnosti) je u obavezi da angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem planiranih aktivnosti na terenu u skladu sa ovjerenim Elaboratom i uslovima iz ovog rješenja.
- 3.11. U slučaju vanrednih situacija, havarijskih onečišćenja i drugih sličnih okolnosti koje bi ugrozile kvalitet voda, obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
- 3.12. Sve kolizije lokaliteta na kojem će se vršiti radovi čišćenja obala i korita rijeka, ukoliko do takvih situacija tokom izvođenja radova dođe, sa postojećim instalacijama vodovoda i kanalizacije, ispustima zacjevljenih potoka, elektro i ostale infrastrukture, prethodno će se rješavati uz saglasnost mjesnog nadležnog preduzeća, koje će dati tehničke uslove za izvođenje ovih radova.
- 3.13. Višak materijala iz iskopa koji će se pojaviti prilikom izvođenja zemljanih radova, a koji ne bude iskorišten za radove na uređenju rijeke Željeznice i njenih sastavnica, potrebno je odložiti na deponiju izvan vodnog dobra, a sve u skladu sa uputama predstavnika Općine Trnovo, tj. korisnika ove vodne saglasnosti.
- 3.14. Na osnovu priložene izjave korisnika ove vodne saglasnosti, koji je nadležan za organizaciju predmetnih aktivnosti, uklonjeni materijal iz korita koji ima upotrebnu vrijednost će biti namjenski korišten za potrebe Općine Trnovo i isti se ne može ustupati trećim licima i biti predmetom trgovine.
- 3.15. Nakon okončanja radova Općina Trnovo je dužna dostaviti izvještaj o načinu utroška izvađenog i upotrebljivog materijala sa količinama i dokaznicom o ugradnji istog za potrebe lokalne zajednice.
4. Korisnik vodne saglasnosti je dužan da riješi imovinsko pravne odnose na lokalitetu izvođenja radova, formiranja privremenih gradilišta, pristupnim putevima i deponiji za odlaganje izvađenog materijala (smeće, mulj, kruti otpad, pijesak, šljunak, šibljie i dr).
5. Ukoliko se izvođenjem radova na čišćenju korita rijeke Željeznice na predmetnom potezu ili drugim aktivnostima vezanim za predmetne radove prouzrokuju štete i naruši stabilnost korita, postojećih objekata i obala vodotoka ili nanese šteta trećim licima, podnosilac zahtjeva je obavezan uzroke nastanka štetnih promjena otkloniti, a nastale štete nadoknaditi..
6. Korisnik vodne saglasnosti je u suradnji sa nadležnim organom općinske Uprave dužan da prije početka izvođenja radova riješi imovinsko pravne odnose na lokalitetu izvođenja radova, na mjestu formiranja privremenih gradilišta, pristupnim putevima i deponijama za odlaganje viška izvađenog materijala.
7. Po završenim radovima, potrebno je izvršiti ravnanje i uređenje korita, obala i pojasa u kome su vršeni radovi te lokalitet očistiti od gradilišnih objekata, mehanizacije i gradilišnog otpada.
8. Vodna saglasnost prestaje da važi istekom roka od dvije godine od dana njene pravosnažnosti ukoliko do tog dana nije pribavljeno odobrenje za izvođenje predmetnih radova od strane nadležnog organa i započeti radovi.

O b r a z l o ž e n j e

Podnosioc zahtjeva, Općina Trnovo, se dana 11.04.2022. godine aktom broj: UP-1 02/2-19-307/22 od 07.04.2022. godine obratila ovoj Agenciji za izdavanje vodne saglasnosti za aktivnost čišćenja korita rijeke Željeznice prema priloženom Elaboratu: „Obezbjedenje proticajnog profila rijeke Željeznice na potezu od sjedišta Općine Trnovo pa nizvodno do naselje Ilovice, u dužini od cca 4,5 km“, urađenom od strane Es Hydrotechnics d.o.o. Sarajevo, a u cilju poboljšanja hidromorfoloških karakteristika korita rijeke na predmetnoj dionici.

U prilogu zahtjeva podnosilac je dostavio slijedeću dokumentaciju:

- Ovjerena kopija Statuta Općine Trnovo broj: 01-02-1325/08 od 09.04.2008. godine;
- Ovjerena kopija uvjerenja o poreznoj registraciji, Porezna uprava FBiH - Kantonalni porezni ured Sarajevo, od 12.01.2012. godine,
- Kopija rješenja o urbanističkoj saglasnosti UP-1 02/2-19-307/22 od 22.03.2022. godine, Služba za urbanizam, građenje, komunalne poslove i zaštitu čovjekove okoline, Općina Trnovo;
- Zemljišnoknjižni izvadak broj: 26116/22 i 26115/22, za parcele: 1639 KO Trnovo i 1360, 1379 KO Ilovice;

- Kopija katastarskog plana R1:2500, za parcelu 1379 KO Ilovice;
- Kopija katastarskog plana R1:7000, za parcelu 1360 KO Ilovice;
- Kopija katastarskog plana R1:5000, za parcelu 1639 KO Trnovo;
- Kopija katastarskog plana R1:2500, za parcelu 2406 KO Trnovo;
- Kopija katastarskog plana R1:2500, za parcelu 2391 KO Trnovo;
- Zaključak Agencije broj: UP-1/21-1-40-200-2/22 od 09.05.2022. godine;
- Kopija Rješenja o prethodnoj vodnoj saglasnosti UP-1/21-1-40-140-4/22 od 06.05.2022. godine;
- Dokazi o uplati za upravnu taksu u iznosu od 60,00 KM;
- Elaborat: „Obezbjedenje proticajnog profila rijeke Željeznice na potezu od sjedišta Općine Trnovo pa nizvodno do naselje Ilovice, u dužini od cca 4,5 km“, urađen od strane „Es Hydrotechnics“ d.o.o. Sarajevo, decembar 2021. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U provedenom postupku konstatovano je sljedeće:

- Elaborat, iz tačke 1. dispozitiva ovog Rješenja, urađen je od strane ovlaštenog pravnog lica koje posjeduje ovlaštenja za izradu projektne dokumentacije prema Pravilniku o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti („Službene novine Federacije BiH“, broj 17/08 i 38/12).
- Na osnovu priložene dokumentacije i Elaborata, izrađenog po uvjetima datim ranije izdatom prethodnom vodnom saglasnošću broj: UP-1/21-1-40-140-4/22, kao nesporno je ustanovljeno da na predmetnim dionicama rijeke postoje naplavine smeća, mulja, kamenja i šljunka, a što se odražava na režim voda na vodotoku.

Priloženi Elaborat sadrži:

- geodetski elaborat predmetnog lokaliteta na kojem se planiraju izvoditi radovi čišćenja korita;
- situaciju MJ 1:500 i poprečne profile (P20 – P45) urađenim na lokacijama gdje je potrebno čišćenje korita;
- geometrijske karakteristike korita (širina, dubina, osočina i sl.), prezentirane su na poprečnim profilima;
- priložen je tabelarni proračun količina materijala planiranog za iskop, odnosno površina na kojoj je predviđeno čišćenje korita.

U dokaznom postupku utvrđeno je da je projektna dokumentacija urađena u skladu sa uslovima iz prethodne vodne saglasnosti, broj: UP-1/21-1-40-140-4/22 od 06.05.2012. godine izdate po zahtjevu «Agencije za vodno područje rijeke Save» Sarajevo podnesenom putem od strane Agencije za vodno područje rijeke Save, te je shodno članu 114. Zakona o vodama, upisivanjem broja i stavljanjem otiska pečata ove Agencije na dokumentaciju kojom je tretirana predmetna dionica vodotoka, data vodna saglasnost na istu.

Na osnovu priloženog elaborata utvrđeno je da se u svrhu poboljšanja hidromorfološkog stanja vodotoka, dinamike prirodnog procesa tečenja i smanjenja opasnosti od nastanka šteta od poplava na predmetnom području, na osnovu člana 109. stav (1) tačka 14. i člana 17., stav (1), tačka 13. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20), a u vezi sa članom 114. Zakona o vodama, valjalo riješiti kao u dispozitivu ovog rješenja.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:


Nihad Pezo, dipl.inž.građ.

Prilog:

Ovjeran Elaborat: „Obezbjedenje proticajnog profila rijeke Željeznice na potezu od sjedišta Općine Trnovo, pa nizvodno do naselje Ilovice, u dužini od cca 4,5 km“, urađena od strane „Es Hydrotechnics“ d.o.o. Sarajevo, decembar 2021. godine.

Ovjera se odnosi na dionice 3, 4, 5 i 6 obrađene predmetnim Elaboratom.

**Po ovlaštenju
Rukovodilac sektora za izdavanje
vodnih akata**



Maris Ališehović, dipl.inž.građ.

Dostaviti:

- Općina Trnovo, ul. Branilaca grada bb, 71340 Trnovo (Prilog)
- ⊙ AVP Sava, ISV-vodna knjiga - ovdje
- Sektor 40 – ovdje
- AVP Sava – Oglasna ploča